



居士集卷第八

歐陽文忠公集八

古詩二十一首

有贈余以端谿綠石枕與蘄州竹簟皆佳物也余既喜睡而得此二者不勝其樂奉呈原父舍人聖俞直講

端谿琢出缺月樣蘄州織成雙水一作紋呼兒置枕

展方簟赤日正午天無雲黃琉璃光綠玉潤瑩淨冷

滑無埃纖一作塵憶昨開封暫陳力屢乞殘骸避煩劇

聖君哀憐大臣閔察見衰病非虛飾猶蒙不使如作

加罪去特許遷官還舊職選材臨事不堪用見利無



慙惟苟得一從就舍屋一作居城南官不坐曹門一作
少客自然唯與睡相宜以懶遭一作閑何恆適從來
羸茶苦疲困况此煩歌正炎赫少壯喘息人莫聽中
年鼻鼾尤惡聲癡兒掩耳謂雷作竈婦驚窺疑金鴛
蒼蠅蟻蠓任緣撲蠹詩一作書懶架拋縱橫神昏氣濁
一如此言語思慮何由清嘗聞李白好飲酒欲與鐘
杓同生死一作我今好睡又過之身與二物為三爾
江西得請在日暮收拾歸裝從此始終當卷簾攜枕
去築室買田清潁尾

夜聞風聲有感奉呈原父舍人聖俞直講

夜半羣動息有風生樹端颯然飄我衣起坐為長歎
苦暑君勿厭初涼君勿歡暑在物猶盛涼歸歲將寒
清霜忽以飛零露亦溥溥霜露一作本無情豈肯私
蕙蘭不獨草木爾君形安得完擲髮變新白鑑容銷
一作故丹風埃共侵迫心志亦摧殘萬古一飛隼雨
曜雙跳丸擾擾賢與愚流沙逐驚湍其來固如此獨
久知誠難服食為藥悞此言真不刊但當飲美酒何
必被輕紉

答梅聖俞大雨見寄

夕雲若頽山夜雨如決渠俄然見青天皎皎升蟾蜍

倏忽陰氣生四面如吹虛狂雷走昏黑驚電照夔臚
搜尋起龍蟄下擊墓與墟古巖每軒轟雨勢隨疾徐
初若浩莫止俄收聞無餘但掛千丈虹紫翠橫空虛
頃刻百變態晦明誰卷舒豈知下土人水潦沒襟裾
擾擾泥淖中無異鴨與豬嗟我來京師庇身無弊廬
閭坊儼古屋卑陋雜里閭鄰注湧溝竇街流溢庭除
出門愁浩渺閉戶恐爲豬牆壁豁四達幸家無貯儲
蝦蟇鳴竈下老婦但欬歔九門絕來新朝爨欲毀車
壓溺委性命焉能顧圖書乃知生堯時未免憂爲魚
梅子猶念我寄巖憂我居慰我以新篇琅琅比瓊琤

官閑行能薄補益愧空踈歲月行晚矣江湖盍歸歟
吾居傳郵爾此計豈躊躇

答聖俞白鸚鵡雜言

憶昨滁山之人贈我玉兔子粵明年春玉兔子有死
日陽晝出月夜明世言兔子望月生謂此瑩然而白
者譬夫水之爲雪而爲冰皆得一陰凝結之純精常
恨處非大荒窮北極寒之曠野養違其性夭厥齡豈
知火維地荒絕漲海連天沸天一作火熱黃冠黑屣
人語言有鳥玉衣尤皎潔乃知物生天地中萬殊難
以一理通海中洲州一作島窮人迹來市廣州纔八國

其間注董來最稀

一作

此鳥何年隨海舶誰能徧歷

海上峯萬怪千竒安可極兔生明月月在天玉兔不能久人間况爾來從炎瘴地豈識中州霜雪寒渴雖有飲飢有啄羈絆終知非爾樂天高海闊路終一作茫茫嗟爾身微羽毛弱爾能識路知所歸吾欲開籠縱爾飛俾爾歸詫宛陵詩此老詩名聞四夷

清明前一日韓子華以靖節斜川詩見招遊

李園既歸遂苦風雨三日不能出窮坐一室

家人輩倒殘壺得酒數括泥深道路無人行

去市又遠索於筐篋一作篋得枯魚乾鰕數種

彊飲疾醉昏然便寐既覺索然因書所見奉

呈聖俞

少年喜追隨老大厭諠譁慙愧二三子邀我行看花

花開豈不好時節亦云嘉因病既不飲衆歡獨成一作

我嗟管絃暫過耳風雨愁還家三日不出門堆瓦類

寒鴉妻兒強我飲釘釘果與瓜濁酒傾殘壺枯魚雜

乾鰕小婢立我前赤脚兩髻丫軋軋鳴雙絃正如觴

嘔啞坐令江湖心浩蕩思無涯寵祿不知報鬢毛今

已華有田清潁間尚可事桑麻安得一黃犢幅巾駕

柴車

奉答原父見過寵示之作

不作流水聲行將二十年吾生少賤足憂患憶昔有
罪初南遷飛帆洞庭入白浪墮淚三峽聽流泉接琴
寫得八此曲聊以自慰窮山間中間永陽亦如此醉
卧幽谷聽潺湲自從還朝戀榮寵一作祿不覺鬢髮俱
凋殘耳衰聽重手漸顫自昔指法將誰傳偶欣日色
曝書畫試拂塵埃張斷絃嬌兒癡女繞翁膝爭欲彊
翁聊一彈紫微閣老適我過愛我指下聲冷然戲作
語君此是伯牙曲自古常歎知音難君雖不能琴能
得琴其一作意斯為賢自非樂道甘寂寞誰肯顧我相

留連興闌束帶索馬去却鎖塵匣包青氈

會飲聖俞家有作兼呈原父景仁聖從

憶昨九日訪君時正見階前兩叢菊愛之欲繞行百
匝庭下不能容我足折花却坐時嗅之已醉還家手
猶馥今朝我復到君家兩菊階前猶對東枯莖槁葉
苦風霜無復滿叢金間綠京師誰家不種花碧砌朱
欄敞華屋奈何來對兩枯株共坐窮簷何局促詩翁
文字發天葩豈比青紅凡草木凡草開花數日間天
龍無根長在目遂令我每飲君家不覺長筭卧牆曲
坐中年少皆賢豪莫怪我今雙鬢禿須知朱顏不可

恃有酒當歡一作且相屬

依韻奉酬聖俞二十五兄見贈之作

與君結交遊我最先
衆人我少既多難
君家常苦貧
今爲兩衰翁
髮白面亦皺
念君懷中玉不及市上珉
我賤易爲價
玉棄久埋塵
惟能吐文章
白虹射星辰
幸同居京城
遠不隔重閨
朝罷二三公
隨我如魚鱗
君聞我來喜
置酒留逡巡
不待主人請
自脫頭上巾
歡情雖漸鮮
光意益相親
窮達何足道
古來茲理均
小飲坐中贈
別祖擇之赴陝府無擇
明日君當千里行
今朝始共一罇酒
豈惟明日難重

持試思此會何嘗有
京師九衢十二門
車馬煌煌事奔走
花開誰得屢相過
蓋到莫辭頻舉手
驩情落寔酒量減
置我不須論
老朽奈何公等氣
方豪雲夢正當吞
八九擇之名
轂重當世少也
多奇晚方偶
西州政事藹風謠
右掖文章煥星斗
行君歸日我何爲
手把鋤犁汝陰叟

奉答聖俞達頭魚之作

吾聞海之大物類無窮
極蟲鯨淺水間
羸醜如山積
毛魚與鹿角
一翕拾一作數千
百收藏
各有時嗜好
無南北其微小
一作既若斯
其大有一一作其六
莫測波

濤浩渺中島嶼生頃刻俄而沒不見始悟一作始出背

脊有時隨潮來暴死疑遭謫海人相呼集刀鋸爭剖

一作折骨節駭專車鬚芒一作侔劔戟腥聞數十里

餘臭义乃息始知百川歸固有含容德潛奇與秘寶

萬狀劫作不一識嗟彼達頭微誰傳到一作偶傳入

京國乾枯少滋味治齏洗蕢炮炙聊茲知異物豈足

薦佳客一旦辱得一作君詩虛名從此得涼師人不識

防崇見寄詩答

送刁紉推官二韓無歸潤州

翹翹名家子自以能慷慨嘗從幕府碎躍馬臨窮塞

是時西邊兵屢戰輒一作無奔潰歸來買良田俛首

與一作未家為白酒醇門掩青山對優游可以老世利

何足愛奈何從所知又欲向并代主人忍南遷此計

亦一作乃中悔彼在吾往一作乃從彼去吾亦退與人交

若此可以言節槩

夜坐彈琴有感二首呈聖俞

吾愛陶靖節有琴常自隨無絃人莫聽此樂有誰知

君子篤自信眾人喜隨時其中苟有得外物竟何為

寄謝伯牙子何須鍾子期

鍾子忽已死伯牙其已乎絕絃謝世人知音從此無

瓠巴魚自躍此事見於考師曠嘗一鼓群鶴舞空虛
吾恐二三說其言皆過歟不然古今人愚智邈已殊
奈何人有耳不及鳥與魚

二月雪

寧傷桃李花無損杞與菊杞菊吾所嗜惟恐食不足
花開少年事不入老夫目老夫無遠慮所急在口腹
風晴日暖雪初銷踏泥自採籬邊綠

歸田四時樂春夏二首

秋冬二首命
聖俞分作

春風二月三月時農夫在田居者稀新陽晴暖動膏
脉野水泛豔生光輝鳴鳩聒聒屋上啄布穀翩翩桑

下飛碧山遠映丹杏發青草暖眠黃犢肥田家此樂
知者誰吾獨知之胡不歸吾已買田清潁上更欲臨
流作釣磯

南風原頭吹百草草木叢深茅舍小夾穗初齊稚子
嬌桑葉正肥蠶食飽老翁但喜歲年熟餉婦安知時
節好野棠黎密啼晚鶯海石榴紅轉山鳥田家此樂
知者誰我獨知之歸不早乞身當及彊健時顧我蹉
跎已衰老

明妃曲和王介甫作

胡人以鞍馬爲家射獵爲俗泉甘草美無常處鳥驚

獸駭爭馳逐誰將漢女嫁胡兒風沙無情貌如玉身
行不遇中國人馬上自作思歸曲推手為琵琶却手琵琶
胡人共聽亦咨嗟玉顏流落死天涯琵琶此一作曲却傳
來漢家漢宮爭按新聲譜遺恨已深聲更苦纖纖女
手生洞房學得琵琶不下堂不識黃雲出塞路豈知
此聲能斷腸

盆池

西江之水何悠哉經歷瀨石險且回餘波拗怒猶一作
獨涵去澹奔濤擊浪常喧飀有時夜上滕王閣月照
淨練一作綠無纖埃楊開左里在其北無風浪起傳古

來老蛟深處獸窟穴蛇身微行見者猜呼龍瀝酒未
及祝五色粲一作照爛高崔嵬忽然遠引千丈去百里
水面中分開收蹤滅跡莫知處但有雨雹隨風雷千
竒萬變聊一戲豈一作肯顧溺死為可哀輕人之命若
螻蟻不止山嶽將傾頽此外魚鰕何足道獸飫但覺
腥盤杯壯哉豈不快耳目胡為守此空牆隈陶盆斗
水仍下漏四岸久雨生莓苔遊魚撥撥不盈寸泥潛
日炙愁暴鯁魚誠不幸此踟促我能決去反徘徊

再和明妃曲

漢宮有佳一作美人天子初未識一朝隨漢使遠嫁單

于國絕色天下無一失難再得雖能殺盡工於事竟
何益耳目所及尚如此萬里安能制夷狄漢計誠已
拙女美一作色難自誇明妃去時淚灑向枝上花狂風
日暮起飄泊落誰家紅顏勝人多薄命莫怨春風當
自嗟

奉送原甫侍讀出守永興

一作奉送永興
安撫劉侍讀

酌君以荊州魚枕之蕉贈君以宣城鼠須之管酒如
長虹飲滄海筆若駿馬馳平坂愛君尚一作少力方
豪嗟我久衰歡漸鮮文章驚世知一作名早意氣論
交相得晚魚枕蕉一舉十分當覆盃鼠須管爲物雖

微情不淺新詩醉墨時一揮別後寄我無辭遠

哭聖俞

昔逢詩老伊水頭青衫白馬渡伊流灘聲八節響石
樓坐中辭氣凌清一作秋一飲百盞不言休酒酣思
逸語更道河南丞相稱賢侯後車日載枚與鄒我年
最少力方優明珠白璧相報投詩成希深擁鼻謳師
魯卷舌戡戈矛三十年間如轉眸屈指十九歸山丘
凋零所餘身百憂晚登玉墀侍珠旒詩老蓋鹽太學
愁乖離會合謂無由此會天幸非人謀頰鬚已白齒
根浮子年加我貌則不勸猶可彊閑屢偷不覺歲月

成淹留文章落筆動九州金甌過午無饋餉良時易
失不早收篋積一作瓦礫遺琳瑯薦賢轉石古所尤
此事有職非吾羞命也難知理莫求名聲赫赫掩諸
幽翩然素旆歸一舟送子有淚流如溝

居士集卷第八

熙寧五年秋七月男發等編定

紹熙二年三月郡人孫謙益校正

石枕新葺哀憐一作臨事一作嘗聞一作好飲一作

夜聞風聲以飛一作共侵迫一作苦

清明前一日一作得酒一作得

贈別祖擇之煌煌一作落寞一作莫

達頭魚剖析一作

夜坐彈琴見於書一作書

二月雪寧傷損一作

歸田四時樂晚鶯一作

明妃曲無常處一作漢宮一作

盆池揚鬪左里一作輕人之命一作魚誠一作

主作
魚幸此石本作能決去反石本作可

居士集卷第九

歐陽文忠公集九

古詩三十首

寄題劉著作義叟家園效聖俞體

嘉子治新園乃在太行谷山高地苦寒當樹所宜木
羣花媚春陽開落一何速凜凜心節竒惟應松與竹
毋栽當暑槿寧種深秋菊菊死抱枯枝槿豔隨昏旭
黃楊雖可愛南土氣常燠未知經雪霜果自保其綠
顏色苟不衰始知根性足此外衆草花徒能悅凡目
千金買姚黃慎勿同流俗

西齋小飲贈別陝州冲卿學士分得黃字為韻

今日胡不樂衆賓會高堂坐中瀛洲客新佩太守章
豈無芳樽酒笑語共一觴亦有嘉一作菊叢新苞弄
微黃所嗟時易晚節物已淒涼群鷺方盛集雜鴻獨
高翔山川正搖落行李怯風霜君子樂爲政朝廷須
雋良歸來紫微閣遺愛在甘棠

丞丞原甫九月八日見過會飲之作

老大惜時節少年輕別離我歌君當和我酌君勿辭
豔豔庭下菊與君吟繞之頽其黃金藥泛此白玉卮
君勿愛此花問君此何時秋風日益高霜露漸離披
芳歲忽已晚朱顏從此衰念君將捨我車馬去有期

君行一何樂我意獨不怵飛兔不戀羣奔風誰能追
老驥但伏櫪壯心良可悲

予作歸鴈亭於骨州後十有五年梅公儀來
守是邦因取予詩刻于石又以長韻見寄因

以答之

一作和滑州公儀
魏圖歸鴈亭長句

風吹城頭秋草黃仰見鳴鴈初南翔秋草風吹春復
綠南鴈北飛聲蕭蕭城下臺邊桃李蹊憶初披荒手
植之雪消水解草木動因記鴻一作南鴈將歸時爾
來十載空遺迹飛鴈年年自南北臺傾餘址草荒涼
樹老無花春寂歷東州太守詩尤美組織文章爛如

綺長篇大句豕方石一日都城傳百紙我思古人無
不然慷慨一作感功名垂百年沉碑身後念陵谷把酒
泣下悲山川時留賞雖邂逅後世傳之因不朽

寄題洛陽致政張少卿靜居堂

洛人皆種花花發有時開君家獨種玉種玉產琅玕
子弟守家法名聲譽朝端歲時歸拜慶閭里亦相歡
西臺有道氣自少服靈丸春酒養眉壽童顏如渥丹
清談不倦客妙思喜揮翰壯也已吏隱興餘方掛冠
臨風想高誼懷祿愧盤桓

鬼車

嘉祐六年秋九月二十有八日天愁無光月不出浮
雲蔽天衆星沒舉手嚮空如抹漆天昏地黑有一物
不見其形但聞其聲其初切切淒淒或高或低乍似
玉女調玉笙衆管參差而不齊既而嘒嘒啾啾若軋
若抽又如百兩江州車回輪轉軸聲啞嘔鳴機夜織
錦江上群鴈驚起蘆花洲吾謂此何聲初莫窮端由
老婢撲燈呼兒曹云此恠鳥無疋儔其名爲鬼車夜
載百鬼凌空遊其聲雖小身甚大翅如車輪排十頭
凡鳥有一口其鳴已秋秋此鳥十頭有十口口插一
舌連十一作喉一口出一聲千聲百響更相酬昔時

周公居東周馱聞此鳥憎若讎夜呼庭氏率其屬彎
弧俾逐出九州射之三發不能中天遣天狗從空投
自從狗啣一頭落斷頸至今青血流爾來相距三千
秋晝藏夜出如鴝鷓每逢陰黑天外過乍見火光驚
輒墮有時餘血下點污鳥目所遭之家家必破我聞
此語驚且疑反祝疾飛無我禍我思天地何茫茫百
物巨細理莫詳吉凶在人不在物一蛇兩頭反為祥
却呼老婢炷燈火捲簾開戶清華堂須臾雲散衆星
出夜靜皎月流清光

感二子

黃河一千年一清岐山鳴鳳不再一作鳴自從蘇梅
二子死天地寂默收雷聲百蟲坏戶不啓蟄萬木逢
春不發萌豈無百鳥解言語喧歎終日無人聽二子
精思極搜扶天地鬼神無遁情及其放筆騁豪俊筆
下萬物生光榮古人謂此覩天巧命短疑為天公憎
昔時李杜爭橫行麒麟鳳凰世所驚二物非能致太
平須時太平然後生開元天寶物盛極自此中原疲
戰爭英雄白骨化黃土富貴何止浮雲輕唯有文章
爛日星氣凌山岳常崢嶸賢愚自古皆共盡突兀空
留後世名

讀書

吾生本寒儒老尚把書卷眼力雖已疲心意殊未倦
正經守唐虞偽說起秦漢篇章異句讀解詁及箋傳
是非自相攻去取在勇斷初如兩軍一作交乘勝方
多一作酣戰當其旗鼓催不覓人馬汗至哉天下樂終
日在几書一作案念昔始從師力學希仕宦豈敢取
名惟期脫貧賤忘食日已晡燠薪夜侵旦謂言得志
一作後便可焚筆硯少償辛苦時惟事寢與飯歲月
不我留一生今過半中間嘗忝竊內外職文翰官業
日清近廩給亦豐美人情慎所習醜毒比安宴漸退

時俗流稍稍學營辨盃盤窮水陸宿客羅後考自從
中年來人事攻百箭非惟職有憂亦自老可歎形骸
苦衰病心志亦退懦前時可喜事閉眼不欲見惟尋
舊讀書簡編一作編多朽斷古人重溫故官事幸有間
乃知讀書勤其樂固無限少而干祿利老用忘憂患
又知物貴久至寶見百鍊紛華暫時好俯仰浮雲散
淡泊味愈長始終殊不變何時乞殘骸萬一免罪譴
買書載舟歸築室一作屋 頽水岸平生頗論述銓次加
點竄庶幾垂後世不默死芻蕘信哉蠹書魚韓子語
非訕

鴨鵝詞 王定作

龍樓鳳閣一作鬱崢嶸深宮不聞更漏聲紅紗蠟燭
愁夜短綠窻鴨鵝催天明一敲兩敲人漸起金井轆
轤聞汲水三敲四敲促嚴粧紅鞵玉帶奉君王萬年
枝軟風露濕上下枝間敲轉急南衙促仗三衛列九
門放鑰千官入重城禁籞鎖池臺此鳥飛從何處來
君不見潁河東岸村一作陂闊山禽野鳥常時一作朝
嗜田家惟聽夏雞聲入鴨鵝謂之夏雞夜夜隴頭耕曉月
可憐此樂獨吾知眷戀君恩今白髮

初食雞頭有感

一本無有感字

六月京師暑雨多夜夜南風吹芙蓉凝祥池鎖會靈
園僕射荒陂安可擬京師賣五岳宮及爭先園客採
新苞剖蚌得珠從海底都城百物貴新鮮厥價難酬
與珠比金盤磊落何所薦滑臺撥醅如玉醴自慙竊
食萬錢厨滿口飄浮嗟病齒却思年少在江湖野艇
高歌羨行菓香新味全手自摘玉潔沙磨軟還美一
瓢固不羨五鼎萬事適情為可喜何時遂一作買頓
東田歸去結茅臨野水

雙井茶

西江水清江石老石上生茶如鳳爪窮臘不寒春氣

早雙井芽生先百草白毛囊以紅碧紗十斤茶養一
兩芽長安富貴五侯家一吸猶須三日誇寶雲日注
非不精爭新棄舊世人情豈知君子有常德至寶不
隨時變易君不見建溪龍鳳團不改舊時香味色

贈李士寧

蜀狂士寧者不邪亦不正混世使人疑詭譎非一行
平生不把筆對酒時高諫初如不著意語出多高勁
傾財解人難去不道名姓六無上金千一作錢買酒醉
高樓明月空床清一作眠不醒一身四海即為家獨行
萬里聊乘興既不採藥賣都市又不點石化黃金進

不干公卿退不隱山林與之游者本四字人但愛其

人而莫一作不見其術安知其心吾聞有道之士游心

太虛逍遙出入一本二句止常動一作與道俱故能入

火不熱一作藝入水不濡嘗聞其語一作吾雖而未見

其人也豈斯人之徒與不然言不純師行不純德一作

表而一本無滑稽玩一作世其東方朔之流乎

明妃小引

漢宮諸女嚴粧罷共送明妃溝水頭溝上水聲來不
斷花隨水去不回流上馬即知無返日不須出塞始
堪愁

感事四首

老者覺時速閑人知日長日月本無情人心有閑忙
努力取功名斷碑埋路傍道遙林下士丘壠亦相望
長生既無藥濁酒且盈觴

空山一道士辛苦學延齡一旦隨物化反言仙已成
開墳見空棺謂已超青冥尸一作解如蛇蟬換骨蛻
其形既云須變化何不任死生

仙境不可到誰知仙有無或乘九斑虬或駕五雲車
朝倚扶桑枝暮遊崑崙墟往來幾萬里誰復遇誰涂
富貴不還鄉安事富貴與神仙不見魑魅與爲徒

人生不免死魂魄入幽都仙者得長生又云超太虛
等爲不在世與鬼亦何殊得仙猶若此何況不得乎
寄謝山中人辛勤一何愚

莫笑學仙人山中苦岑寂試看青松鶴何似朱門客
朱門炙手熱來者無時息何嘗問寒暑豈暇謀寢食
疆顏沈憎怨擇語防仇敵衆欲苦無厭有求期必獲
敢辭一身勞豈塞天下責風波卒然起禍患藏不測
神仙雖杳茫富貴竟何得

新春有感寄常夷甫

余生本羈孤自少已非壯今而老且病何用苦惆悵

誤蒙三聖知貪得過其量恩私未知報心志已凋喪
軒裳德不稱徒自取譏謗豈若常夫子一瓢安陋巷
身雖草莽間名在朝廷上惟余服德義久已慕恬曠
矧亦有吾廬東西正相望不須駕柴車自可策藜杖
坐驚顏鬢白推頰及取新春歸去來共載一舟浮野
水焦陂四面百花開

昇天檜

青牛西出關老聃始著五千言白鹿去昇天爾來忽
已三千年當時遺迹至今在隱起蒼檜猶依然惟能
乘變化所以爲神仙驅鸞駕鶴須臾間飄忽不見如

雲煙奈何此鹿起平地更假草木相攀緣乃知神仙
事茫昧真偽莫究徒自傳雪色不改終古色風雨有
聲當夏寒境清物老自可愛何必詭怪窮根源

憶焦陂

一本無憶字
注改陰作

焦陂荷花照水光未到十里聞花香焦陂八月新酒
熟秋水魚肥鱸如玉清河兩岸柳鳴蟬直到焦陂不
下船笑向漁翁酒家保金龜可解不須錢明日君恩
許歸去白頭酣詠太平年

贈許道人

洛城三月鶯亂飛潁陽山中花發時往來車馬遊山

客會看山花踏山石紫雲山洞鎖雲深洞中有人人
不識飄飄許子旌陽後道骨仙風本仙胄多年洗耳
避世喧獨卧寒巖聽山溜至人無心不筭心無心自
得無窮壽忽來顧我何慙歎笑我白髮老紅塵子歸
爲築巖前室待我明年乞得身

送龍茶與許道人

潁陽道士青霞客來似浮雲去無蹟夜朝北斗太清
一作壇不道姓名人不識我有龍團古蒼壁九龍泉
深一百尺憑君汲井試烹之不是人間香味色

馴鹿

朝渴飲清池暮飽眠深柵慙媿主人恩自非殺身難
報德主人施恩不待報哀爾胡爲網羅獲南山藹藹
動春陽吾欲縱爾山之傍巖崖雪盡飛泉溜澗谷風
吹百草香飲泉齧草當遠去山後山前射生戶

留題齊州舜泉

岸有時而爲谷海有時而爲田虞舜已歿三千年耕
田浚井雖鄙事至今遺迹存依然歷山之下有寒泉
向此號泣于旻天無情草木亦改色山川慘淡生雲
煙一朝垂衣正南面皐夔稷契來聯翩功高德大被
萬世今人過此猶留連齊州太守政之暇鑿渠開沼

疏清連遊車擊轂惟恐後衆卉亂發如爭先豈徒邦
人知樂此行客亦爲留征軒

山齋戲書絕句二首

蜜脾未滿蜂採花麥隴已深鳩喚叫一作雨正是山齋
睡足時不覺花間日亭午

經春老病不出門坐見羣芳爛如雪正當年少惜花
時日日春風吹石裂

朝少年惜花

紛紛紅藥落泥沙少年何用苦咨嗟春風自是無情
物肯爲汝惜無情花今年花開明年好但見花開人

自老人老不復少花開還更一作新使花如解語應
笑惜花人

出郊見田家蠶麥已成慨然有感

誰謂田家苦田家樂有時車昌遮切鳴緜白繭麥熟轉

黃鸝田家此樂幾人知幸獨知之未許歸逢時得寵
已喻分報國無能徒爾爲收取玉堂揮翰手却尋南
畝把鋤犁

射生戶予初至州獵戶有獻狼豹者

射生戶前日獻一豹今日獻一狼豹因傷我牛狼因
食我羊狼豹誠爲害人物縣官賞之縑五疋射生戶

持練歸為人除害固可賞貪功趨利爾勿為弦弓毒
矢無妄發恐爾不識麒麟兒

戲石唐山隱者

石唐山室紫雲深潁陽真人此筭心真人已去升窠
廓歲歲巖花自開落我昔曾為洛陽客偶向巖前坐
盤石四字丹書萬仞崖神清之洞鎖樓臺雲深路絕
無人到鸞鶴今應待我來
居士集卷第九

熙寧五年秋七月男發等編定

紹熙二年三月郡人孫謙益校正

西齋小飲眾賓賢一作

歸鴈亭仰見一作

食雞頭都城一作

感事苦無狀一作

弄天槍自傳一作

嘲少年惜花紅藥一作

出郊有感鳴蟻紅藥一作

鴨鳩詞促仗碑本促作捉似重磨再列案唐書儀

列坐于東西廊號曰內仗又云內外諸門以排道人
帶乃捉仗而立號曰立門仗成都有州州州州州
夫抗本並作促吉州本及時賢文集並作捉

鎖池基

鎖碑作

居士集卷第十

歐陽文忠公集十

律詩六十首

送王汲宰藍田

喧喧動車馬共出古都門
落日催行客東風吹酒樽
樹搖秦甸綠花入輞川繁
若遇西來旅時應問望

一作望

故園

徽安門曉望

都門收宿霧佳氣鬱葱葱
曉日寒川上青山白霧
露中樓臺萬瓦合車馬九衢通
恨乏登高賦徒知古
邑雄

送孟都官知蜀州

名郎出粉闈佳郡古關西幾驛秦亭盡千山蜀鳥啼
朱輪照耕野綠芋覆秋畦向闕應東望雲深隴樹迷
南征回京至界上驛先呈城中諸友

朝雲來少室日暮向箕山本以無心出寧隨倦客還
春歸伊水綠花晚洛橋閑誰有餘樽酒相期一解顏

逸老亭

一本注彭城公白蓮庄

上相此忘榮怡然物外情池光開小幌山翠入重城
野鳥窺華袞春壺勞耦耕枕前雙鴈沒雨外一川晴
解組金龜重調琴赤鯉驚雖懷安石趣豈不爲一作念

蒼生

廣愛寺

都人布金地紺宇歸然存山氣蒸經閣鍾聲出國門
老杉春自綠古壁雨先昏應有幽人屐來留石蘚痕

吊黃學士三首名鑑

麗正讎書久蘭臺約史成迎親就江水厭直出承明
世德無雙譽詩豪第一評風流今頓盡響像憶平生
沈約多清瘦文園仍病瘠共疑天上召更欲水邊招
金馬人相弔長沙物易妖秋風吹越樹歸旄自飄飄
自古蘭衰早因令蕙歎深書遺茂陵藁病作越鄉吟

蒿里無春色，閩山蔽夕陰。空嗟埋玉樹，齋志永沉沉。

雨後獨行洛北

北闕望南山，明嵐雜紫煙。歸雲向嵩嶺，殘雨過伊川。
樹繞芳隄外，橋橫落照前。依依半荒苑，行處獨聞蟬。

陪府中諸官遊城南

一本注西京作

一雨郊圻迴，新秋榆棗繁。田荒溪溜入，禾熟雀聲喧。
燒出空槎腹，人耕廢廟垣。追向城客落，日隱高原。

智蟾上人遊南岳

終日念雲壑，南歸心浩然。青山入楚路，白水望湖田。
野渡惟浮鉢，山家少施錢。到時春尚早，收茗綠巖前。

送左殿丞

一作直入蜀

傳聞蜀道難，行客若登天。紫竹深無路，黃花忽見川。
聞禽嗟異域，問俗訪耆年。欲識京邦遠，惟應望日邊。

秋郊曉行

一作望

寒郊桑柘稀，秋色曉依依。野燒侵河斷，山鴉向日飛。
行歌採樵去，荷鋤刈一作治田歸。林一作村酒家家熟，相

邀白竹扉

被牒行縣，因書所見呈寮友

周禮恤凶荒，輶車出四方。土龍朝祀雨，田火夜驅蝗。
木落孤村迴，原高百草黃。亂鷗鳴古堞，寒雀聚空倉。

桑野人行鱸魚陂鳥下梁晚煙茅店月初日棗林
堽戶催寒候叢祠禱歲穰不妨行覽物山水正蒼

緱氏縣作

亭候徹郊畿人家嶺坂西青山臨古縣綠竹繞寒溪
道上行收穗桑間晚漑畦東臯有深趣便擬卜幽棲

又行次作

秋色滿郊原人行禾黍間雉飛橫斷澗燒響入空山
野水蒼煙起平林夕鳥還嵩嵐久不見寒碧更孱顏

送梅秀才歸宣城

從學方年少還家罄橐金久爲江北客能作洛生吟

罷亞霜前稻鉤輶竹上禽歸帆何處落應拂野梅林

鞏縣陪祭獻懿二后回孝義橋道中作

落日漢陵道初寒慘暮颿遙看山口火暗渡洛川橋
不見新園樹空聞引葬蕭林鷓棲已定猶獨一作此倦

征鑣

送謝學士歸闕

供帳拂朝煙征鞍去莫攀人醒風外酒馬度雪中關
舊府誰同在新年獨未還遙應行路者偏識綵衣斑

河南王尉西齋

寒齋日蕭索天外敞簷楹竹雪晴猶覆山窻夜自明

禽歸窺野客雲去入重城欲就陶潛飲應須載酒行

張主簿東齋

官舍掩寒扉聊同隱者棲溪流穿竹過一作山鳥入

城啼賓主高談勝心冥外物齊惟應朝枕夢長獸隔

鄰一作雞

留守相公禱雨九龍祠應時獲澍呈府中同

寮

古木鬱沉沉祠亭相衮臨雷驅山外響雲結日邊陰

霖霖來初合依微勢稍深土膏潛動脉野氣欲成霖

隴上連雲色田間擊壤音明光應奏瑞黃屋正焦心

帝邑三川美離宮萬瓦森廢溝鳴故北紅蕩發青林

南畝猶須勸餘春尚可尋應容後車一作客時作洛

生吟

春日獨遊上林院後亭見櫻桃花奉寄希深

聖俞仍酬遞中見寄之什

昔日尋春地今來感歲華人行已荒徑花發半枯槎

高榭林端出殘陽水外斜聊持一罇酒徙倚憶天涯

獨至香山憶謝學士一作希深

伊水弄春沙山臨水上斜曾為謝公客徧徧一作八

王家陰澗初生草未出自落花却尋題石處歲月已

堪嗟

春晚同應之偶至普明寺小飲作

偶來林下徑共酌竹間亭積雨添芳草一作沼殘花點
綠萍野陰侵席潤芳氣襲人醒禽鳥休驚顧都忘兀
爾形

黃河八韻寄三聖俞

河水激箭險誰言航常遊堅冰馳馬渡伏浪卷沙流
樹落新摧岸湍驚忽改洲鑿龍時退鯉漲潦不分牛
萬里通槎漢十帆下漕舟怨歌今罷築故道失難求
湍急風逾響川寒霧不收詎能窮禹迹空欲問張侯

和應之同年兄秋日雨中登廣愛寺閣寄梅

聖俞

經年都洛與君交共許詩中思最豪舊社更誰能擁
卓新秋有客獨登高徑闌欲謝悲零露離菊空開乏
凍醪縱使河陽花滿縣亦應留滯感潘毛

晚過水北

寒川消積雪凍浦漸通流日暮人歸盡沙禽上釣舟
罷官西京回寄河南張主簿

歸客下三川孤郵暫解鞍鳥聲催暮急山氣欲晴寒
已作愁霖詠猶懷祖帳歡更聞溪溜響疑是石樓灘

寄西京張法曹

幕府三年客群居幾日親初分闕一作口路猶見
陽人唯麥晴將秀田柏晚自春向家行漸近豈復從
征輪

離彭婆值雨投臨汝驛回寄張九屯田司銀
投館野花邊羸驂晚不前山橋斷行路溪雨漲春田
樹冷無棲鳥村深起暮煙洛陽山已盡休更望伊川

朱家曲

一本有并引字

朱家曲自許縣北門上赤坂岡分道西行入小
路三十里有村市臨古河商賈之聚京師者舟
車皆會比居民繁雜宛然如江柳手
以事焉至此宿旅邸明日遂赴言師

行人傍衰柳路向古河窮桑柘田疇美漁商市井通
新歇晚入浦舟子夜乘風旅舍孤煙外天京王氣中
山川許國近風俗楚鄉同宿客雞鳴起驅車猶更東

行至堪澗作

霜後葉初鳴羸驂繞澗行川原人遠近禾黍日晴明
病質驚殘歲歸塗賦一作暮程空林聚寒雀疑已作
春聲

送謝希深學士北使

漢使人幽燕風煙兩國間山河持節遠亭障出疆關
征馬聞笳躍雕弓向月彎禦寒低使面贈客解刀環

鼓角雲中壘牛羊雪外山
穹廬鳴朔吹凍酒發一作
朱顏塞草生侵磧春榆綠
滿關應須薦北嚮方值
南還

送賈推官赴絳州

白雲汾水上人北鴈南飛
行李山川遠風霜草木非
郡齋賓榻掛幕府羽書稀
最有題輿客偏思玉塵揮
送張如京知安肅軍

相逢舊從事新命忽臨戎
界上山河壯軍中鼓角雄
朔風馳駿馬塞雪射驚鴻
試取封侯印何如筆硯功
送威勝軍張判官

北地不知春惟看榆葉新
岑牟多武士玉塵重嘉賓
野燐一作燒驚行客烽煙入遠一作暮
塵繫書沙上鴈時
寄日邊人

送同年史襲之武功尉

久作遊邊客常悲入塞笳
今茲一尉遠猶困折腰嗟
白馬關中道青天一作煙
棧外家過秦應吊古惟有故
山斜

送祝熙載之東陽主簿

吳江通海浦晝舸候潮歸
疊鼓山間響高帆鳥外飛
孤城秋枕水千室夜鳴機
試問還家客遼東今是非

鄭十一先集赴四明幕一本注初投

梁漢裒斜險夫君畏遠遊家臨越山下帆入海潮頭

岸柳行稍盡江尊歸漸秋故鄉看衣錦寧羨李膺舟

送丁元珍峽州判官一作送朱處仁

為客久南方西游更異鄉江通蜀國遠山閉楚祠荒

油幕無軍事清猿斷客腸惟應陪主諾不費日飛觴

送楚建中潁州法曹

冠蓋盛西京當年相府榮曾陪鹿鳴宴一作識洛

陽生共歎長沙謫空存許劭評堪嗟桃李樹何日見

陰成

送王尚恭隰州幕

去國初游宦從軍苦寂寥愁雲帶一作城起畫角向

山飄秋勁方馳馬春寒正襲貂遙知為客恨應賴酒

盃消

送王尚詰三原尉

初仕便西轅驪駒兩佩環山河識天府風雨度函關

桑柘千疇富人煙萬井閑欲為京洛詠應苦簿書間

送餘姚陳寺丞

銅墨佩腰間中流望若一作仙鳴蟬汴河柳畫鷁

鄉船下潁逢江鴈晴氣落海為山川仍客思盡入隱

侯篇

送廖八下第歸衡山

曾作關中客嘗窺百二疆自言秦隴一作水能斷楚
人腸失意倦京國羈愁成鬢霜河如伴征鴈日日向
衡陽

夏侯濟武陵尉

風煙地接懷并邑富田垓河近聞冰坼山高見雨來
官閑同小隱酒美足啣盃好去東籬菊迎霜正欲開

遠山

山色無遠近看山終日行峯巒隨處改行客不知名

宋宣獻公挽詞三首

望繫朝廷重文章天下工清名畏楊綰故事問胡公
物議垂為相風流頓已窮仁言博哉利獻替有遺忠
識度推明拓風猷藹縉紳何言止中壽遂不乘洪鈞
翰墨時爭寶詞章晚愈新哀文伯母悲感路傍人
結髮一作逢明主馳聲著兩朝莫楹先有夢升屋豈
能招贈服三公衮兼榮七葉貂春風笳鼓咽松栢助
蕭蕭

初出真州泛大江作

孤舟日日去無窮行色蒼茫杳靄中山流轉帆迷向

背夜江看斗辨西東
滄田漸下雲間鴈
霜日初丹水上楓
蓴菜鱸魚方有味
遠來猶喜及秋風

江行贈鴈

雲間征鴈水間棲
增綴方多羽翼微
歲晚江湖同是客
莫辭伴我更南飛

松門

比下五首一本屬夷陵九詩

島嶼松門數里長
懸崖對起碧峯雙
可憐勝境一作景當窮塞
魏使留流一作人戀此邦
亂石驚灘喧醉枕
淺沙明月入船窻
因遊始覺南來遠
行盡荆江見蜀江

下牢津

依依下牢口古戍鬱
差戾入峽江漸曲
轉灘山更多
白沙飛白鳥青葙一作合青蘿
遷客初一作嘗經此
愁詞作楚歌

龍溪

溟溟出亂峰
演漾綠蘿風
淺瀨寒難涉
危槎路不通
朝雲起潭側
飛雨徧江中
更欲尋源去一作山深不可窮

勞停驛

孤舟博山曲
豁爾見平川
樹杪沈初落
峯頭月正圓
荒煙幾家聚
瘦野一刀田
行客愁明發
驚鷺灘鳥道前

黃溪夜泊

楚人自古登臨恨暫到愁腸已九回
萬樹蒼煙三峽暗滿川明月一襟哀
非鄉况復驚殘歲慰客偏宜把酒盃
行見江山一醉且吟詠不因遷謫豈能來

望州坡

聞說夷陵人為愁共言遷客不堪遊
崎嶇幾日山行倦却喜坡頭見峽州

居士集卷第十

熙寧五年秋七月男發等編定

紹熙二年三月郡人孫謙益校正

逸老亭兩外一作後

弔黃學士越鄉一作山

被牒行縣呈寮友一作呈諸寮友

行次作寒碧一作疑碧

東齋宿至一作至

黃河馳馬一作無馬

和應之登廣愛寺閣經年一作終年

江行贈鴈在鴈一作秋鴈

國

子
國

子
國

